

Der da wöll schiessen on fortl vnd list /

Der mag dahin kommen gerüst /

Das schiessen geht an nach der sag /

Erst auff S. Bartholomeus tag /

Wiltu dahin das steht bey dir /

Ich sagt jm / was do mangelt mir /

Ich het kein gelt in meiner Tasschn /

Züg sonst dahin bald von der strassn /

Der gute Man thet mit mir sprachen /

Hat es sonst kein ander vrsachen /

So mus es dran nicht mangel habn /

Wil dich auff borg / mit zerung labn /

Wirst mirs zur zeit wol wider zaln /

Die redt thet mir gar wolgefalln /

Vnd dacht wie mein kurzes Gebet /

So wunderliche wirckung het /

In dem kamen wir in die Stadt /

Darinn er auch sein wohnung hat /

Ich wolt heim in mein Losament /

In dem greiff er mich bey der hende /

Vnd fürt mich heim in seinen Saal /

Mit jm zu essen das Nachtmal /

Als nun dasselbig war vorbracht /

Darnach ich mich wider auffmache /

B 5 Und